

UNIVERZITET U TUZLI
Broj: 01-77-JN-10/23 LOT 2
Tuzla, 21.08.2023. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-77-JN-9/23 LOT 2 od 06.07.2023. godine, po punomoći Rektorice Univerziteta u Tuzli broj: 01-2593-1/20 od 11.06.2020. godine, Direktor za ekonomske poslove, donio je

O D L U K U **O IZBORU NAJPOVOLJNIJEG PONUĐAČA**

I

U okončanom otvorenom postupku javne nabavke laboratorijskog pribora za Prirodno-matematički fakultet Univerziteta u Tuzli (realizacija projekta: “Ispitivanje antropogenog uticaja na hemizam, indikatore kvalitete i koncentracije odabranih hemijskih elemenata rijeke Bregave”) – LOT 2, izabran je ponuđač “KEFO” d.o.o. Istočno Sarajevo, sa ponudnom cijenom od 1.950,00 KM bez uračunatog PDV-a, odnosno 2.281,50 KM sa uračunatim PDV-om, te se istom dodjeljuje ugovor o nabavci.

II

Ponuda ponuđača iz tačke I ove Odluke odabrana je iz razloga što kao prihvatljiva u svemu zadovoljava uslove postavljene u Tenderskoj dokumentaciji i zato što je nakon održane E-aukcije imala najnižu cijenu.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. stav (2) tačka a) do d) Zakona o javnim nabavkama BiH koji su precizno definisani u tenderskoj dokumentaciji. Prema odredbi člana 72. stav (3) tačka a) Zakona, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. Zakona.

IV

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluka ponuđačima koji su učestvovali u postupku javne nabavke.

V

Ova Odluka stupa na snagu sa danom donošenja.

O b r a z l o ž e n j e

Univerzitet u Tuzli pokrenuo je postupak javne nabavke laboratorijskog pribora za Prirodno-matematički fakultet (realizacija projekta: “Ispitivanje antropogenog uticaja na hemizam, indikatore kvalitete i koncentracije odabranih hemijskih elemenata rijeke Bregave”) – LOT 2, putem Otvorenog postupka javne nabavke broj: 01-77-JN-2/23 od 16.05.2023. godine objavljenom na Portalu javnih nabavki “E-nabavke” broj: 795-1-1-29-3-65/23 od 26.05.2023. godine, “Službenom glasniku BiH” broj: 40/23 od 02.06.2023. godine i WEB stranici Univerziteta.

U ostavljenom roku ponudu su dostavila tri ponuđača: “KEFO” d.o.o. Istočno Sarajevo, “EUROLAB” d.o.o. Bijeljina i “SINEKS LABORATORIJA” d.o.o. Banja Luka.

Analizom dostavljenih ponuda utvrđeno je da su ponuđači dostavili sve dokaze zahtijevane tenderskom dokumentacijom zbog čega su ocijenjeni kvalifikovanim za dobro obavljanje posla. Međutim ukupna cijena ponude ponuđača „EUROLAB“ d.o.o. Bijeljina

iznosi 3.798,05 KM bez PDV-a a odobreni budžet za nabavku iznosi 2.942,50 KM bez PDV-a, što znači da ponuda prelazi planirana, odnosno osigurana novčana sredstva ugovornog organa za nabavku u iznosu od 22,52%, te ponuda kao takva je neprihvatljiva.

Cijena ponude ponuđača „KEFO“ d.o.o. Istočno Sarajevo i „SINEKS LABORATORIJA“ d.o.o. Banja Luka ne prelazi planirana, odnosno osigurana novčana sredstva ugovornog organa za nabavku te s toga su ocjenjene kao prihvatljive.

Prihvatljive ponude je ugovorni organ Univerzitet u Tuzli su u skladu sa uslovima postavljenim tenderskom dokumentacijom i obavještenjem, te u skladu sa Pravilnikom o uslovima i načinu korištenja e-aukcije (“Službene novine BiH” broj: 66/17) unio u bazu e-nabavke radi provođenja e-aukcije.

Nakon uspješno okončane e-aukcije i u skladu sa Izvještajem o toku i završetku e-aukcije od 05.07.2023. godine sačinjena je slijedeća rang lista ponuda po povoljnosti:

1. “KEFO” d.o.o. Istočno Sarajevo,
2. “SINEKS LABORATORIJA” d.o.o. Banja Luka.


Budući da ponuda ponuđača “KEFO” d.o.o. Istočno Sarajevo u svemu zadovoljava zahtjeve Univerziteta predviđene tenderskom dokumentacijom i nakon provedene e-aukcije, ima najnižu ponuđenu cijenu Komisija je predložila da se istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana računajući od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:
01-77-JN-9/23 LOT 2 od 06.07.2023. godine

DOSTAVITI:
1x učesnicima
1x web
1x a/a



DIREKTOR ZA

EKONOMSKE POSLOVE

Husein Matović, dipl. ecc.